


II 1

# ORATIO

Sub Eucharistica Solennia



PRO

*Felici Christianoque Orbi optatissima*

SERENISSIMI AC POTENTISSIMI

## IOANNIS III.

IN POLONIÆ REGEM, MAGNUM  
DVCEM LITHVANIÆ,

Russiæ, Prussiæ, Masouiæ, Samogitiæ, Liunionæ;  
Kiiouiæ, Volhiniæ, Podoliæ, Podlachiæ, Se-  
ueriæ, Smolensci, Cernicouiæ

ELECTIONE.

*Bibliotheca. Mang. Harpington*  
*Præsente Eminentissimorum*

### S. R. E. CARDINALIVM

CAPELLA

IN ECCLESIA S. STANISLAI EPISC. MART.

Nationis Polonorum.

DICTA

A IOANNE GNINSKI Palatinide Culmensi.

Romæ Anno 1674. die 18. Iunii.

3  
Imprimatur, si videbitur Reuerendiss. P. Magistro  
Sac. Pal. Ap.

*1. de Ang. Archiep. Urb. Vicesg.*

---

*Imprimatur*

Fr. Raymundus Capisuccus Ordinis Prædic. Sac. Pal.  
Apost. Magister.

111

SERENISSIMO AC POTENTISSIMO PRINCIPI  
AC DOMINO DOMINO

IOANNI III.

REGI POLONIÆ, MAGNO  
DVCI LITHVANIÆ,

Russiæ, Prussiæ, Masouiæ, Samogitiæ, Liunioniæ,  
Kiiouiæ, Volhinia, Podolia, Podlachia, Se-  
ueriæ, Smolensci, Cernicouiæque

*Domino Domino Clementissimo.*



INTER festiua Magnæ Romæ hi-  
laria, quibus ( annuente Patre  
Beatissimo, ) quâ Sanctioribus  
Diuorum ad Aras votis, quâ  
triumphalibus per fora Urbis, &  
compita ignibus, Serenissimo  
Nomini Tuo, condictus perso-  
nabat dies; paucula hæc à me verba facta, Re-  
gium Sacræ Maiestatis Tuæ ad Tronum, supplex  
deferò, & depono. Rex Potentissime. Metuerem  
fateor non immeritum tenuitati meæ periculum,  
qui scilicet & de TE! tam exigue, & ijs, ( Ro-  
manorum nempè Principum apicibus ) tam tenui-  
ter, ac tantilla, sum ausus proloqui; nisi, exigui-  
tatem

tatem meam , Rerum Tuarum Maiestas impleuisset ; tenuitatem , gaudentis ad Nominis Memoriam Tui fauentissimi Auditoris aspiria , exaggeratissime ampliassent . Quo ego vno , & solo Magnitudinis Tuæ clypeo , quia non infeliciter in Vrbe me protexi : eodem sub ipso , in Regio etiam Maiestatis Tuæ conspectu , meum hoc primum fidelitatis homagium futurum non intutum , vti spero , ita quàm demississimè à S. R. Maiestate Vestra deprecor .

S.<sup>a</sup> R.<sup>a</sup> M.<sup>a</sup> V.<sup>a</sup>



*Fidelis Subditus*

Ioannes Gninski .



# ORATIO.



OST suspensos variâ spe, metuque  
spectantis orphanam Polonam no-  
stram sortem Europæ totius ânimos;  
post audita Eximiorum Christiani Or-  
bis Principum, non indecoro ambitu  
protensa vota; post expensa, mul-  
tâque partem in omnem librata li-  
beræ Gentis consilia; datus est tan-  
dem, supremo Diuinissimæ Triadis auspicio, & propè  
die, Vnus illè, qui & arrestis multorum animis ad ex-  
pectationem; & mutatis Serenissimorum votis Æmulo-  
rum, ad satisfactionem, & sollicitis, multa que prospici-  
entibus Electoris Populi studijs, ad solatium, spem, &  
felicitatem sufficeret. Datus inquam, (quod felix, fau-  
stum, fortunatumque sit) IOANNES SOBIESKY REX PO-  
LONIAE, MAGNVS DVX LITVANIAE electus, acceptatus,  
proclamatus.

Non est, quoddâ felicem Nuncium hunc multis, aut  
Orbi Romano hic communem narrem ad læticiam; aut  
claro Sole videnti sua gaudia Sarmatiæ nostræ, ad ingen-  
tis fortunæ indigitem gratulationem, siue enim Electum  
Principem cogito, siue socias, & amicas Gentes, siue  
nos, benè securus, & dicam, & edicam omnibus

*E multis, Nobis Hic sufficit omnibus vnus.*

Equidem superstitionæ propiores assentationi, diuinationes illas crediderim; quæ ad suorum Mæcenatum, & Principum ornandam Maiestatem, symbolicis de Gentilitiorum Armorum figuris, aut præfagia delineant, aut appingunt decora (quasi verò enim, nepotibus, posterisque ab exsculptis leonibus, pardisque robur, micantibus à mucronibus, & telis bellica virtus, inenitabilem gloriæ, meritorumque necessitatem imponerent). Diffiteri tamen nec debeo, nec possum, fatali passim Dei Prouidentia, Magnas ante Animas, & hæc ipsa stemmatum suorum appendi specula, quorum scilicet pernici contuitu pénétrent, quidnam, et sacra suorum Avorum, Atauorumque Antiquitas pro ijs meruerit, & ipsimet, deinceps Sux Fortunæ secuturis Heredibus, non degeneris tituli monumento, se cogitent, relicturos. Hinc est, quod etiam de splendidissimo Electi Principis nostri Clypeo, non vilem meam tacere nequeam cogitationem; cuius, vel ipso primo ab intuitu, vti paratum diu in hæc vsque tempora omen accipio; ita presentis Illius, simulque nostræ sortis feliciter euolutum vénéror argumentum. Quid enim aliud, & omiaari licet, & edicere è dum Natalibus omni sum in Orbe Familiarum Clypeis, varia impressa, insculptaque formarum intueor nomina, solus atque vnus (quem sciam) Inclytæ Sobiesciæ Domus Clypeus nullo hætenus insignis vultu, signo notatus nullo, nudo duntataxat splendore, hucusque fulserit? Parabatur crediderim ego per antiquissima suorum Maiorum merita, limabaturque, digna hæc Tabula, cui Serenissimo in Nepote isto, Regalia Nomina Regum seram olim per posteritatem diu inscriberentur. Cessit sanè Paterno iure suo auita ipsa Illustrissimorum Atauorum autoritas, sacrumque voluit, vt hic vnus, præparato generis sui in Clypeo, totum id, quid quid serenissi-

tenissimis novis à Titulis addere posset, non adderet, sed primus daret. Felix, & vel hoc ipso magnus, in quo scilicet Reges non desinerent, sed inciperent. Non invidemus serenissimis potentissimorum Regnorum cunis, & fascijs; quæ suis populis Principes evoluunt imperaturos? Nobis (quibuscunq; tandem turbis obnoxia lex sit) aurea tamen, & pretiosa facta est, quod imperatoris omnibus, & debuerit, & potuerit eligi ex omnibus. Tantò certè, & sublimior, & suæ virtutis (sic dicam) Creatura gloriosior, quantò, sine vllis ante regnatoris sanguinis præiudicijs primus Hic meritis suis, delatum Regnum vt indueret, votis omnium meruit censerì, & esse dignior. Neque verò præcipite saltu conscensa, hæc Maiestas est, cui antiquissima Domus illustrissimæ Nomina per summorum Poloni Regni Principum (huic enim titulo, Senatoria dignitas Polonis synonyma est) curules gradum prouexere; quem proprius in Toga simul, & Sago Potentissimus, grandium muniorem honos, promouit; cuius nomen Heroa virtus, raraque omnium, possessio animorum, in hoc vsque Regali Summo fastigio meritissimè collocavit. Immos hic veneror sacros, eius Maiorum tumulos, Palatinas Auorum, narratione importuna non detero Purpuras; Principis, primique in Regno Senatoris, Iacobi Parentis, (verè dixerim, ferro, & calamo Cæsaris, qui scilicet & gerere bella sciret, & scribere) inclytum nomen tacitus suspicio. Cuius, simulque omnium Maiorum ad gloriam, Regiæque Maiestati non imparem olim ad fortunam passus hic suffecerit; talem qui tantus esse dignè potuit, foelicitè genuisse. Sed potentioribus, quia proprijs persuasa Regia foelicitas rationibus se dedit, & Regem dixit, cum nempe, qui zelo Fidei, Patriæ Amore, Legum custodia, Iudicij maturitate, in amplissimo Marelechalli munere (Patrem - Familias Regni vulgus vocat)



publicam rem, ita sustinuit, ut tot illæ, quas vidimus turbæ non ultra timorem formidandarum nubium duntaxat processerint. Qui suprema Exercituum Regni Ducis, Potestate, tot hostes vicit, quot hostes Patriæ habuisse potuit, & vicisse debuit. Illi, rebellis Cosacus, cumque eo potentissimus alter, (qui validis fomentis hanc subditam alebat flammam) Monarcha, victori cessit, quoque inspectante, ultra septuaginta numerosissimas, neque minus arte, quam desperatâ pertinaciâ munitissimas Vrbes, pauculos intra menses, aut supplex dedit, aut inuitus reddidit. Illi, sæpius repetitis claudibus, ferocissima Tartarorum illuvies, in Regni finibus repressa, expulsa, disiecta, profligata, succubuit. Vidimus nuper, dum post infœlicem Barbarorum dolo Cameneci nostri iacturam, effusus Crymenus Prædo, Rus-  
siam, imò ad Cracoviæ, usque Palatinatus pomaria Poloniam ipsam impune popularetur, imbellesque populorum greges, ac innocentem Lectissimæ Nobilitatis sexum crudelissimus leno miserum abigeret. Deiectæ ipso in consiliorum conatu, stupebant manus, paratique ad arma Ciues se ipsos metuebant. Non defuit rebus perituris haud segnis Ductor, pauculaque expeditior, (quæ tamen tantos in ausus impar esse omnino credebatur) stipatus manu, vliginosas per paludes, fœdoque Autumno tesqua stagnantia, quâ cursu, quâ serpendo, quâ nando, plurium per leucarum, dierumque interval-  
la, famens, insomnis, eâ demum constantia & felicitate, grauem præda hostem consecutus est; ut qui abeuntem, vix posse assequi sperabatur, ab ipsa eidem occurrens fronte fortissimè inuaserit, ultra vicena millia captiui populi excusserit, totosque demum illos feroces cuneos, caesis præcipuis Tartarici nominis Capitibus disiecerit, profligauerit. Quid plura? Ille ipse Regnorum Helluo Tyrannus Orientis, quam quantamque herbam Victori por-  
rexe-



rexerit? Sanctissima vidisti, & vides ad horas Roma in pendulo illo pedibusque Diuorum Principum tuorum, sub strato virore Mahometico. Biduum immo (quis crederet?) vix duarum spatium horarum fluxit, quo terror Christianitatis fractus est, delectissimus Othomannici Exercitus flos emarcuit, inaccessis firmum aggeribus, Bellicarum machinarum custoditum præsidio robur, fauente in primis Catholicæ Pietati Numine, Secundis Diuorum suppetijs; viuis Ducis, Ductorumque Consilijs & exemplis, inuicta Christianam rem, gerentis militis manu excisum, protritum, debellatum. ~~Parua hæc sunt!~~ Immo maxima, & verè dixèrim digna sola, quæ Bellatori Polono genio, in campo non in talamo æstimanti merita, Regale ad solium, Magno Principi gradum strauisse, & potuerint, & debuerint.

Hæc ego non tam Regis nostri Serenissimi Gloriæ (cui nil à me par dici vnquam potuit) quam communi nostrum lætitiæ, carptim dumtaxat memorasse volui quo scilicet verius magis quam copiosius, concordi hac meritissimum in Principum Gentis nostræ consensione, & non delusæ Amicorum expectationi Populorum, tanto electo in Rege, & gloriosæ dignissimorum Principum æmulationi, non imparis meriti ad rem Christianam sine præiudicio delecto in Heroe, & nostro Polonorum solatio, nostro de sanguine nato, oculis in nostris gloriâ, & meritis nutrito, quodque supra omnem omnium subditorum felicitatem est, in Fratre, Patre, simul ac Domino, abundissimè fieret factum, satis. Cæterum, vt & felicius, & vberius hic qui iam nobis sufficit omnibus Vnus, deinceps etiam diu constante sufficiat felicitate, sanctissima Cæli Apostolici Sidera, Clementissimo influxu, & animos, & vires, sufficite. Dixi.

R O M Æ;

Typis Michaëlis Herculis. M. DC. LXXIV.

---

*SUPERIORVM PERMISSV.*

